

程





余忠宣公文集叙



胡元將復歸沙漠其間烈  
節之臣唯余忠宣公為表  
表不獨以其身又以其妻  
以其子女又以其安慶之



人民後之人豔其節者什  
九而不知其文采更表表  
云蓋公為廬之合肥人其  
文集有刻存府藏中與包  
孝肅公之奏議並傳不佞

守廬公廟屬在有司歲時  
致祭因益熟公節義文章  
不獨侈于安慶一死是豈  
其自古文人率藐行檢至  
公反之不佞輒謂公之廟



立自

本朝雖云勵節實則報功  
惟知公之節有功于前後  
則公之詩文非汗漫流連  
者所可同日語此奚以說

也方

太祖創業自南環視四面  
惟虞徐陳後為偽漢其強  
不可力馴當時至比劉項  
而安慶實據長江上游



國家經營方始儻無一梗  
于中賊將順流而合東吳  
柰何其合自得公為元守  
孤城血戰賊去來逗留者  
幾而我已稍定則公雖死

也天若厭夷而默助之  
本朝是其平日之著述無  
非洩其慨慷之抱卒至兵  
革之間譚莚不休尤足助  
其下敵愾之氣故及其勢



盡力竭身可死妻可死子  
女可死安慶之人亦可死  
嗚呼公之文章公之節義  
哉議者曰公文有氣魄足  
達其所欲言詩上江左徐

庾而下不足倫也則亦披  
素而摘宮商循聲而絜輕  
重不觀其大何能知公又  
何能盡公不佞仕于其鄉  
方欽公芳躅飭有司奉遺



廟而睹公之一言一字若  
咳唾在前今將新公之集  
與孝肅公之奏議同工不  
佞既叙孝肅復叙公則亦  
竊比于風其後之意是何

肥之人多忠義而並祀于  
其鄉不絕也廼公之忠于  
元而有功于

本朝其節尤揭也不佞于  
文集蓋益觀公之深矣



萬曆戊子秋

賜進士第中憲大夫知廬  
州府事前工科給事中侍  
經筵翰林院庶吉士勾餘

張道明撰



余忠宣公集後序



忠宣公以元進士死于元

節甚烈

勅祀于鄉公家合肥潛修  
青陽山若干年世稱余青





原件短缺

P.7 — 9



陽云而公守安慶死安慶  
安慶去廬數百里猶然鄉  
土哉而公効死弗忝公故以  
詩文名詩文降元且難乎  
宋矣超乘而上豈不類逐

日父而公不溺元習元工  
樂府工以宣淫賦艷而公  
獨喜為古選取裁建安近  
體不落天寶後也文則體  
直議正湔滌色澤上者駸



乎西京次亦不失東京故步  
爾時狄不倚華人公家居  
者久迨盜起兵連沿江失  
守而公有安慶命且守且  
戰安慶歸然獨存以亡援

陷陷日公死于朝妻死于  
夫子女死于父將校死于  
主帥者尸枕藉也始易公  
文士耳及戎師克斥厲兵  
馳馬雄氣可吞長江一休



息輒輕裘緩帶操槊賦詩  
鼓諭將士有餘遙馮文事  
武備兼之謂公全才非邪  
夫立言者少節近乎浮也  
立節者少文近乎樵也公

大節屹立而若詩若文  
力追古作者軌公雖沒而  
文章節義在天壤間行  
江河而縣日月也蓋文以節  
重節以文益重已公集刻



于安慶復刻于吾廬而歲  
久就敝余重愍之因分行  
細校請之郡守張公邑令  
來公重付梓焉兩公作新  
文教振揚士節嘗擊節而  
談青陽亦以集托黃兆聖氏  
嗟夫公不幸生元時又不幸  
受元爵幸遇兩公表揚之  
光照異代觴豆萬年非偶  
而已里人後學黃道月序





余忠宣公集跋

今時諸書競出人知以意  
氣相高亦可為節義一助  
惟議論尚受病於宋人之  
迂至仕元者不問功罪率

余公文集入序

十四



加貶詞跋後人多不白其  
事黜其書第不知以

高皇帝之威豈不辦闔孽  
胡盡殲之然亦謂彼主中  
國久先世曾受其惠因不

絕其醜類是以於死元之

臣余忠宣首被其褒而廟

祀有加焉然則忠宣之集

所留傳於故里者非恃

高皇帝之卓見而後緣以



不減哉今更刻而新之匪  
直肥之人藉以看光即置  
之時所競出諸書中當令  
讀之者譚節義排迂論益  
復不虛耳 黃道日書

余忠宣公文集目錄



一卷

詩部

五言古選

擬古

白馬誰家子

擬古

天門山



送錡伯温之江西廉使

秋興亭

安南王留宴

九日鄂渚登高

先天觀

黃鶴樓

山亭會琴圖

題虞邵菴送別圖

嘉樹軒

鶴齋

龍立吟贈程子正

送觀至能赴歸德知府

送黃紹及第歸江西

送胥式南還

題黃河清良岑幽居

題施氏西嶼書堂



送方以愚之嘉興推官

玉雪坡

題劉氏聽雪樓

馬伯庸中丞哀詩

蘭亭

自集賢嶺入大龍山

安慶郡庠後亭譙董令事

題周伯寧畫

九日宴盛唐門

三月廿九日郡庠後亭譙盧啓先令事

奉和旨南上人喜雨

送康上人往三城

七哀

凌孝女詩

夜坐和成太常

送張有恒起安慶郡經歷



美浦江鄭氏義門

送王關赴泗州行捕提舉

待制張廷美姑阿慶詩

雲松樓

楊平章崇德樓

八月十五日處州分司對月

有所思

長安陌

五言排律

大別山栢樹

五言律詩

送李好古之南臺御史

送普原理御史

送霍維肅令尹

呂公亭

宴晴江山拱北樓



元興寺二首

壓雪軒

竹嶼

送危應奉分院上京

禎祥菊

賦得九里松送吳元振

宋顯夫學士輓詩

祝蕃遠經歷輓詩

題蛾眉亭

南山贈隱者

賦得慈恩寺塔

江尚書夫人輓詩

寄題環秀亭

葛編修輓歌

賦得鉅野澤

宋祭酒輓歌



謝堯章妻輓歌

送李伯寔下第還江西

大口迎駕和觀應奉韻

伯之德興學詩

送孫教授

賦得君子泉

賦得春鴈送司執中

題合魯易之四明山水圖

賦得蛾眉亭

題段吉甫助教別墅圖

七言律詩

送王其用隨州省親

登太平寺

五言絕句

詠井上桃花

題段應奉山水圖



題合魯易之鄞江送別圖

題紅葵蛺蝶圖

題溪樓

七言絕句

別樊時中

題光祿主事席仲桓海棠圖

題紅梅翠竹圖

贈澄上人

贈山中道士善

南歸偶書

別樊時中廉士

二卷

文部

序

送歸彥溫赴河西廉使序

送月彥明赴行都水監序



送樊時中赴都水庸田使序

送范立中赴襄陽詩序

李克復總管赴贛州詩序

楊君顯民詩集序

貢泰父文集序

送葛元哲序

送許具瞻序

贈刑部掾史錙彥通使還京序

高士方壺子歸信州序

聚魁堂詩序

送李宗泰序

藏乘法疏後

記

含章亭記

穰縣學記

湘陰州鎮湘橋記



今公集  
漢陽府大成樂記

新修大寧宮記

梯雲庄記

合泥修城記

大節堂記

憲使董公均役記

三卷

碑銘

慈利州天門書院碑

安慶城隍顯忠靈佑王碑

化城寺碑

濟美堂銘

青陽縣尹表君功銘并序

勉學齋銘

錨府君墓銘

墓表



葛徵君墓表

張同知墓表

兩伍張氏阡表

廬州城隍廟碑銘

策

元統癸酉廷對策

四卷

書

上賀丞相書

上賀丞相書

再上賀丞相書

再上賀丞相書

與中書叅政成誼叔書

與月可察爾平章書

與國子助教程以文書

與曾舜功書



與危太朴內翰書

與劉彥昂書

雜著

題宋顧主簿論朋黨書後

題孟天暉擬古文後

跋揭侍講遺墨後

題徐穎詩集後

御書贊

潛嶽禱雨文

勉勵葉縣尹手批

西海祝文

后土祝文

西嶽祝文

河瀆祝文

江瀆祝文

中鎮祝文



西鎮祝文

湖廣省正旦賀表

正旦賀箋

聖節賀表

書合魯易之作穎川老翁哥後

濟川字說

贊晦

題永明壽禪師唯心訣後

題黃氏貞節集

終

余忠宣公像





余左丞傳

余闕字廷心一字夫心唐元氏世居武威父沙刺藏卜官合肥遂爲合肥人母尹氏夢異人至生闕闕生髮盡白嗜欲淡甚不知有肉味惟甘六藝學若飴蜜歲環攻之與京兆張亨游亨臨川吳澄弟子善談文理闕之學因絕出擢元統癸酉進士第授同知泗州事泗瀕淮民豪弗馴官稍箝之多以誣去闕繩尤無良者數千帖帖不諱泗無麥民以

乏故事不敢聞闕上之中書定爲令凡無麥者得減賦代還長老爭進金爲壽闕謝去後闕往桐城道逢故民皆羅拜馬首相隨弗忍離信宿而別俄召入應奉翰林文字轉中書刑部主事二月之間疏滌冤滯獄五百上官忌其才議寢不合闕上宰相書言狀又不報拂衣竟歸居無何復召修遼宋金三史拜監察御史上疏言守令最近民欲萬國治責守令反是政龐宜用殿最法力行之便上從



之藩王府諸校白晝殺人金道上勢如狼闕遣卒捕之上思治切議遣巡察郡國闕言何奉使無狀所至處食飲供張如事至尊曾不能宣上憂恤元元之意宜亟罷之不聽後闕補外會奉使者亦至執闕臂曰誠如君言闕忠亮不加怨闕在位知無不言言峭直無忌人勸闕少辟禍闕曰吾縱昏豈不知犯龍鱗爲危委身事君身雖殺弗悔也改中書禮部員外郎闕議復古禮樂其言精鑿有徵聞者斥爲迂濶弗用安西郭氏女受聘未行會夫卒郭爲行服終身不嫁有司請旌其門闕以過於中庸不可以訓檄不下出爲湖廣行省左右司郎中廣西多峻山負粟輸官者厄於道險費相倍闕命以布帛代輸右丞沙斑怙權自用多錄其私人闕輒抗詞沮之會有徃蠻反當帥師又止不行無敢讓之者闕揚言於庭曰右丞受天子命爲方嶽重臣不思執弓劔討虜乃欲自逸耶右丞當徃沙斑



曰卽中語固是如芻餉不足何闕曰右丞第往此  
不難致也闕下令趣之三日皆集右丞行湖南章  
宣慰以婆律香贄闕闕覺重辭之香中果貽黃金  
章歎曰余贄達官無弗受潔如水壺者唯余公一  
人耳後以集賢經歷召入預修本朝后妃功臣傳  
遷翰林待制出僉浙東廉訪司事發奸擿伏總察  
若神州縣聞闕至貪墨吏多解印綬去竒定賦無  
藝後小大各違度闕遴官履畝實之徭賦平衢士  
無養以沒入田分隸學官郡長燕只告台肆毒殘  
衢民闕鞠治之獄上行御史臺臺臣與有連反以  
事劾闕闕歸隱青陽山丁尹氏憂闕性至孝晝夜  
號慟不絕聞者至洒泣至正壬辰天下兵動平章  
政事脫忽爾不花統戎淮南承制起闕權淮西宣  
慰副使闕對使者曰爲臣死忠正在今日闕何敢  
辭卽之官分治安慶安慶距城皆盜柵也闕從間  
道入推赤心置人腹中復轉粟以哺餓夫民翕然



歸四方來依者日衆闕知民可用乃帥之破雙港  
砦闕被甲荷戟直前賊空砦出鬪殺傷相當至日  
是賊殊死戰闕不勝退復收散卒誓曰死則死此  
爾何生爲一鼓而進大破之諸砦以威次第降闕  
益繕城浚濠修矛戈分屯耕郊外田民懼不能者  
遣軍士護之耕賊來輒與戰一日賊四合旌旗蔽  
野鼓噪之聲震天地闕縱集騎數十大喊而出賊  
勢披靡遣兵乘之斬首數千級當是時淮東西皆

陷唯安慶爲歸然獨存賊來戰又數敗却之偽作尺  
牘通城中諸大姓約期日反冀闕捕戮之闕曰我  
民安有是命悉焚之賊計窮復令闕故人以甘言  
說降闕命牽出以鐵椎擊碎齒頰斬于東門潛山  
有虎傷人闕造文檄山神使驅虎虎出境不傷人  
功上朝廷俾爲眞陞同知淮西宣慰副使都元帥  
賜以上尊及黃金束帶江西諸官軍動號數萬掠  
玉帛殺嬰兒置戟上爲戲浚江州郡患苦之獨不



敢近城下即近出師檣退之咸服其義至有來降  
愿充將校者溪洞貓獠兵屯潯陽命使者率百輩  
腰刀直入脅闕使供億闕叱左右收縛付獄且上  
疏言貓獠素不被王化其人與禽獸等不宜使入  
中國他日爲禍將不細後竟如其言轉淮南行省  
叅知政事尋改左丞賜二品服闕益自奮誓以死  
報國立旌忠祠以厲將佐時集祠下大聲謂曰男  
兒生則爲韋孝寬死則爲張巡許遠不可爲不義

屈意氣慷慨甚丁酉冬寇大集諸部圍城戰艦蔽  
江而下樵餉路絕兵出數失利戊戌正月七日城  
陷闕猶率衆巷戰賊呼曰余將軍何在吾將官之  
闕手戟罵曰余恨不得嚼啐汝肉吐餒烏鳶寧復  
受汝官耶賊怒舉長鎗欲刺闕闕遂自剄沉水死  
年五十六其妻耶律氏聞之亦率其子德臣女福  
童赴水死諸將卒慟曰余將軍不負國我等何負  
余將軍耶從而死者千餘人朝廷知其忠贈闕淮



南行省平章謚曰文忠公闕爲人剛簡有智無職  
不宜爲爲即有赫赫名所至薦賢旌孝義惟恐後  
每解政閉門授徒蕭然如寒士五經悉爲之傳註  
多新意詩文篆隸皆精緻可傳贊曰於戲闕其人  
豪也哉獨守孤城逾六年小大二百餘戰戰必勝  
其所用者不過民間兵數千初非有熊虎十萬之  
師直激之以忠義故甘心効死而不可奪也後雖  
不幸糧絕城陷以死而其忠精之氣炯炯上貫霄

漢必粲爲列星流爲風霆散爲卿雲凝爲瑞露闕  
雖死而其不死者固自若也然而闕死於君而能  
使妻死於夫子死於父忠孝貞節萃於一門較之  
晋卞壺闕又似過之矣於戲闕果人豪也哉余來  
江左見其門生故吏言闕事多至泣下者因想見  
戰守處江流有聲而斷雲落日淒迷於莽蒼間猶  
足以動人悲思因摭其行事成傳以示爲人臣者  
金華宋濂景濂撰



死節記

有元設科取士中外文武著功社稷之臣歷歷可  
記至正辛卯兵起淮瀕城盡廢江淮之間能扞禦  
大郡全盡名節者守舒帥余公廷心一人而已公  
家世河西自擢高科登要職以浙東僉憲來鎮舒  
郡始至舒時國門之外數十里之地皆盜柵也公  
身率壯士累戰而勝盜遂退乃爲攘剔傍近之地  
令民耕之大築城壘修矛戟募勇士以圖克復癸  
巳秋國朝命太師右丞相脫脫征討江漢使至舒  
公即奉命率兵卒出境戰潰郡寇遂平樅陽盜柵  
維時湖廣陳友諒據上流趙雙刀據池陽公常具  
戰艦數百艘借糴江西往來皆爲二兵邀避然與  
戰無不克捷或誘至城下而設竒俘獲尤多盜爲  
股慄舒屬六邑皆爲盜所據民有逃亡至郡者乏  
絕糧饋公捐祿米一百石以賑恤民乃安凡盜至  
民亦爲力戰時予自閩海還舒謁公於館下公延



予門塾俾教授子弟翼日侍公於城之南樓語及  
國家顧謂予曰余荷國恩以進士及第歷省憲居  
館閣每愧無報今國家多難授予以兵戎重寄豈  
予所堪然古人有言爲子死孝爲臣死忠萬一不  
幸吾知盡吾忠而已丁酉冬十月上流陳寇至郡  
城圍及兩月公累出奇兵以戰陳寇至者甚衆其  
屬邑逃難之民悉思効義以報且戰且守寇兵遂  
弱城柵益堅盜思不能獨勝乃會趙雙刀水軍上

下夾攻戰艦萬艘鼙鼓震動砲石砰礮公益厲將  
士民亦無懼色十一月趙寇急攻城南門陳寇攻  
城東門戰數十合士氣頗怠公駐甲於城東之練  
樹灣二寇挑戈渡濠來戰公持刃躬自殺之俱墮  
死於濠池一賊又復登岸公復奮兵刺殺之陳寇  
望嘆曰詩書之帥必如是夫使天下皆余公也何  
患城守之不固哉有頃諸將復集皆愧私相語曰  
元帥躬自奮勇吾生何爲皆踴躍思戰陳寇見兵



勢復盛遂皆退十二月趙寇復攻城東公誓將士曰今城守孤危汝等當爲國宣力有功者當以吾爵授汝不然則戮以徇將士受命亦皆以死自誓血戰至暮兵稍不利公被矢傷及左目神思昏惑將士遂衛公還暨至閩內甦而驚愕謂左右曰全忠報國吾分內事耳使吾得死其地吾瞑目無憾汝奚以我歸耶於是將士復衛公出戊戌春正月盜整兵太合舳艫延亘旗幟燄燄公率將士及城

居之民戰於城西門力敵至午城遂陷公拔劍自刎墮濠西清水塘而死陳氏以金購求得之具棺槨衣衾葬於城外公之夫人蔣氏聞公仗節即率女安安竟赴井死長子名德臣時年十八能熟記諸經書慟曰吾父死於忠吾何以生爲乃溺死於後園之深池甥名福童善戰有勇力亦戰死於城濠之間姪婿花李爲義兵萬戶自城外馳單騎回其家人勸之降李怒曰吾受元帥節制平日甘苦



元帥與吾共之元帥已死吾降異日何以見元帥  
於地下且曰爾等亦當隨吾盡忠毋爲人所魚肉  
乃盡驅之一室無大小咸殛殺之然後坐取巨觥  
以飲拔刀自刎而死賊衆入見斷其首而去其餘  
將士若萬戶紀守中金勝宗鎮撫棟彬千戶那海  
經歷段玉等俱不肯降咸戰死於鋒鏑之下噫自  
古天下有盛必有衰然以予觀之三代而下漢唐  
及宋未有如元運之盛者柰何承平日久武備不

修一旦兵起淮漢爲臣子者或擁兵自衛或望風  
而降如是中原失守而忠臣義士幾何人斯稽之  
史冊自古忠烈烜赫者惟唐巡遠宋文天祥而已  
若吾余公廷心鍾光岳之靈氣有文武之全材方  
氣運之盛黼黻大猷煥然可述當多難之秋戰守  
之功鮮有儷者及夫援絕城陷竟能秉節不屈視  
死如歸尤人之所不及先民有二云疾風知勁草板  
蕩識忠臣其此之謂歟然公之忠節固職之所當



余公文集 卷八 傳  
爲而公之夫人若子若女一門之節義又世之所  
無者予素居公之館下凡公之政蹟不及枚舉而  
公之大節敢不紀之以傳諸後故爲之記仍贊曰  
於赫元運篤生名臣識綜今古學究天人杆此大  
邦戎備整飭允文允武克著厥蹟古有巡遠公實  
邁之猗歟忠節敢揚頌詩至正戊戌太原賈良伯  
爲記

近考余忠宣公夫人死節姓氏太史宋先生  
傳書耶卜氏元史節要載耶律氏死節記作  
夫人蔣氏書記不一莫得其的僕因細詢先  
生姪孫宗烈云叔祖父有妾耶律耶卜氏叔  
祖母夫人實蔣氏子德臣年十八女安安年  
十四皆其所生故常服膺則知何者所書皆  
妾姓氏也恐泯其嫡之貞節遂書之記末以  
示久遠維陽張毅識




余忠宣公集卷一

詩部

五言古選

擬古

昔在西京日縱觀質前聞皇皇九衢裏列第起朱  
 門借問誰所居丞相大將軍平明事遊謁車馬若  
 雲屯芍藥調羹鼎狔狔鑄酒尊頌聲美東魯逸奏  
 出西秦迴風薄蘭氣十里揚清芬東家有狂生容





余公文集 卷一  
顏若中人謬言擬官尼幽思切玄文著書空自苦  
名宦乃不振悠悠千載下安有楊子雲

擬古二

昊天轉時律大火西南馳勁商發群籟白露降嚴  
威攬衣起視夜明月鑒薄帷翩翩征鴈翔唧唧寒  
蛩悲紅蘭委芳采栢葉亦離披喬喬千丈松孤生  
泰山隈凝霜裂其膚層冰斷其柢摧殘若傾蓋蒼  
翠終不移草木有至性明哲宜戒哉

白馬誰家子

白馬誰家子綠纏縵胡纓腰間雙寶劍璀璨雪花  
明甫出金華省還過五鳳城君王賜顏色七寶奉  
威聲夜入瓊樓飲金罇蒲繡楹燕姬陳屢舞楚女  
奏鳴箏慷慨顧賓從英風四座生一朝富貴盡不  
如秋草榮黔婁固貧賤千載有餘名

擬古 楊沛

楊生仕州縣謀國不謀身一朝解印綬歸來但長



余公文集 卷一  
貧茅茨上穿漏頽垣翳綠榛空牀積風雨蝸牛止  
其中辛苦豈足念殺身且成人

天門山

保寧知府楊丹梓人作記

楊子博地志名山屢出王但言隱彌匪崇冠峙嵩  
梁井絡通遙甸天經列鉅障群峯如齒齒歷亂發  
金塘玉壺旣嶮嶮天門迴開張宛重連紫蓋丹泉  
濺石床入門蔭修竹中夏若寒霜靈鳥多異色中  
林皆妙香耀真啓幽室積石構瑤房萬里秘宜與

千秋阻秩望惟應學仙侶結桂共相羊

送錙伯溫之江西廉使

得雲字

祖帳依山館車蓋何續紛使君驅駟馬衣上繡成  
文中坐陳綺席羽觴流薄薰情多酒行急意促歌  
吹殷况我同鄉友同館復同群初暘麗神臯遙望  
澄遠氛迴鏡望雙闕五色若卿雲蒼茫歲年徂東  
西岐路分道長會日遠何以奉殷勤惟有凌霜栢  
天寒可贈君



秋興亭

涉江登危榭引望二川流  
雙城共臨水兩岸起飛樓  
漢渚深初綠江皋迥易秋  
金風揚素浪丹霞麗綵舟  
登高及佳日能賦命良倚  
御者奉旨酒扈人供膳羞  
一爲山水媚能令車騎留  
爲語同懷者有暇即來遊

安南王留宴

將命坐藩服式禮奉國賓  
賢王重意氣延客到華裊  
肅肅高堂上圓方饋八珍  
齊優襍趙女歌曲一何新  
遺響從風發彫梁落素塵  
中觴每傳滿眷眷難具陳  
厚往已有愧懷報恐無因

九日鄂渚登高

南州理秋祓嘉氣  
陽爰與幕中友臨眺涉崇岡  
維時天氣肅  
沾霜雷雷風振谷淒淒日  
在房高雲歛楚岫曜景遊  
川漲微徑出丹林列坐  
泛金觴佳賓未易合良會  
安可常英曹幸文雅獻



酬寧計行預恐還吹帽煩君戒太康

先天觀

仙客鍊金地蒼山深幾重至今龍虎氣猶在琵琶  
峯峯前石路整金澗垂楊嶺萬壑闕阿宮千年奉  
丹鼎日日采三秀人人吹玉笙旣要王子晉復命  
董夔成方朔金門步春來多自豫青鳥幾時還御  
書寄君去北闕懷美祿南山思遠遊勞心如御水  
東去復西流

黃鶴樓

崔嵬黃鵠嶺歸魏構楚材澄江還蓋楯連城抗鉛  
階雕衡朱鳥峙淵井綠荷開隱見長沙渚想望陽  
雲臺晴霄一仰止輪奐信美哉淮南儻好道日夕  
化人來

山亭會琴圖

連山環絕壑雲木亂紛披中有抱琴者有如榮啓  
期蕭然久不去問子欲何爲



題虞邵菴送別圖

南州山水麗中田歲事豐時貞文物禁道合朋輩  
同濟濟眾君子班坐蔭青松迴洲環偃月丹林結  
綵虹翔鷗方矯矯鳴鴈亦噶噶即趣情已展染翰  
思彌工予亦幽棲者纓冠朝北宮披圖誦佳詠邈  
爾想高風

嘉樹軒

為胡士恭作

嘉植將百歲積翠廣庭間高柯出閭巷低枝蔭井

乾流膏從風颺芳氣散如蘭別有清霜節將同綺  
樹看

鶴齋

為薛茂弘道士賦

葉縣飛鳥舄琴高駕赤鱗豈若青田鶴蕭洒迺仙  
倫刷羽琪樹側振唳華池津騫騰望霄漢逸氣已  
冲天鍊液諒有驗滅景入無垠還乘過緱嶺舉手  
謝鄉人

龍丘吟贈程子正



戰龍起新室群鳥亦翩翩偉哉龍立生抱琴歸故  
山仰視天際鴻俯弄席上絃清音發䟽越逸響遺  
澗泉悠悠鳳翔漢婉婉虬媚川清風自千古何用  
能草玄

送觀至能赴歸德知府

善理崇富教長郡等烹鮮况茲乂凋瘵均治切宸  
淵綬組承明裏結駟雙闕前燕郊芳草歇商墟大  
火懸高懷薄霄漢攬轡殊慨然揆予昧特用載橐  
從甘泉庶聞兩岐詠爲子書汗篇

送黃紹及第歸江西

上林華落盡東門餞別初遊絲橫輦道金波溢鏤  
渠含觴不能飲躑躅此城隅念子正英妙丹泉媚  
綠藻翻然阻山岫邈爾問離居芸閣誰同坐蒲生  
孰共書時應有詞賦爲寄北飛魚

送胥式南還

孟冬寒律應原野降繁霜客子倦遊覽結筇還故



鄉驅車出城闕旭日懸晶光綺宮上爛爛翠閣後  
蒼蒼豈無京華志晞景發清揚富貴在榮遇貧賤  
有安行恒恐歲年迫臯蘭凋紫芳君看沙上鴈騫  
翻乃隨陽

題黃河清良岑幽居

大明照四海之子乃陸沉遠絕仁義絆結宇幽藪  
陰奮翳谷中路斬崩址山岑窅鸞響初蔭隴月頽  
夕林時憑曲木几蕭散發長吟委化諒爲達滯樂  
恐遂淫援琴鼓招隱念子爲薰心

題施氏西嶼書堂

中智貴得性得性非易求羨君澗水曲松竹蔽層  
丘春秋當佳日兄弟各命儔總轡凌晨術展席面  
綠流參差瓊峰出泓澄綺磧周緗荷承繡宇黃鳥  
響疏樓起坐玩芳帙爲樂鮮優游河陽耻巧宦建  
春厭旅愁安得周公瑾爲館孫仲謀

送方以愚之嘉興推官



帝仁同禹泣典憲輟朝纓我友膺時選御命出承  
明是日芳節屆列餞多鉅卿桃開疑組色鳥嘯襍  
歌聲仰獻一杯酒遠慰千里行丈夫有遠業文墨  
非所營勉布惟良政持用答皇情

玉雪坡

爲周伯溫賦

江梅有至性能怡君子顏開花競芳節擢秀帶春  
寒惟與玉同色還嗤雪易殘芳香拂羅袖如黃金  
博山置此賓席上人人別意看

題劉氏聽雪樓

群峰擁臨檻修竹鬱菁菁蔭向曲池好聲惟雪夜  
清天寒三日卧人道是袁生

馬伯庸中丞哀詩

結纓趨魏闕俛仰二十霜化運易遷逝故老今盡  
亡維時遊公門時節會高堂崢嶸奉餘論炫耀晞  
報章制若縛繡陳聲若寶瑟張儀若龍文出燁若  
照夜璫辛眠出工巧幻妙極豪芒抽思究皇術振



藻詠時康是時朝廷上才彥侯有望公如逸虬出  
萬驥爲留行念此今已矣松柏杳茫茫驅車入珂  
里穹門委舊衡珠移青淵涸桃盡故蹊荒龍火出  
勁秋玉衡變春陽朝榮計已殞夕秀豈不芳感彼  
推輪始惻惻我心傷

蘭亭

奉節過東鄙總轡臨越墟覽此崇山阿亭樹猶晉  
餘陽林積珍木禊館䟽鏤渠微風旋輕瀨宛委寫  
成書秋杪霜露滋清商滿縣隅紅蓮凋綺蓋微瀾  
見躍魚藉芳泛羽觴眠聽良有娛逍遙大化內豈  
必三月初

自集賢嶺入大龍山

皖公標楚甸茲嶺孕奇形翠積縱江潯崇冠呂蒙  
城戒途入中林平岡駐我旌延望失來術周覽多  
所經峩峩石窓矗窳窳巖岫冥離離雲朝隳粲粲  
樹敷榮闕弓射鳴鴈群谷振弦聲仰憐山人居俯



悅洞下耕蒼龍啓春候金虎收光精權家旣非學  
農用或可明顧言同載者爲爾鑄阿兵

安慶郡庠後亭讌董僉事

亭名天開圖書

鯨鯢起襄漢郡邑盡燒殘茲城獨完好使者一開  
顏省風降文囿弭節遵曲干雙池夾行徑累榭在  
雲間天淨群峰出地迥滄江環霞生射蛟臺鴈沒  
逢龍山開罇葦堂上命酌頰危闌主人送瑤爵但  
云嘉會難豈爲杯酒謹樂此罷民安魄淵無恒彩

清川有急濶明晨起駭服相望阻重關

題周伯寧畫

殺機起無象平陸忽成紅蒼生旣猛虜日馭經紛  
虹舉目墟里間但見蒿與蓬惟有王官谷于今似  
畫中

九日宴盛唐門

今日良宴集玉帳設金縣賓稱此嘉辰令德應重  
乾淒淒秋陽升湛湛江景鮮西馳三澁津東瞻九



華山文湍帶粉堞卿雲覆綵旃清歌送銀爵泛此  
秋花妍嗟予遠征人別家今四年采薇夜歸戍操  
築朝治垣微此一日歡苦辛良可憐中觴感前謀  
撫運當泰年燔柴盛唐郡泛舟樅江前臨川射長  
蛟雄風推八埏豎儒縲從役任重力迺綿武功旣  
無成文德何由宣微勲倘有濟敢愧魯仲連

三月廿九日郡庠後亭謙盧啓先僉事

晨集欵江渚列席當蕙楊斯亭信顯敞翠嶺帶澄  
川潮駕宜城步山積司空原青松紛被徑紅桃競  
發園衆賓起爲壽繁轉出嬌絃中觴念遠離歲行  
已再遷漂萍有時合浮雲未見旋今朝不爲樂來  
會知何年

奉和旨南上人喜雨之什并良雖不作詩不  
妨一觀也

出車橫門道采薇皖溪水襍耕不逢年軍士常饑  
餒奉牲走群望悃迫忘汝爾皇皇大司命配天奠



南紀方屯啓時澤拯民出穎死雲章變膚寸雨勢  
來不已睇嶺三峰深行阡九江起關房各奉奉擢  
葉方泥泥說郊君牡駢馱野田畷喜未論車箱湍  
已見沽酒旨斯民旣云樂兵甲行可洗赫靈有耿  
祉壽天誠在已淫陰無往轍薄伐有凶理撫事非  
偶然涼薄那致此騁辭繼周頌屢豐自天子

送康上人往三城

嘗登大龍嶺橫架視四方原野何蕭條白骨紛交  
橫維昔休明日茲城冠荆楊芳郊列華屋文纓被  
五章乘車衣綺繡貴擬金與張此禍誰所爲念之  
五內傷豎儒謬乘障永賴天降康樅陽將解甲皖  
邑寢開疆耕夫緣南畝士女各在業念子中林士  
振策亦有行我聞三城美龍巖在其傍連林積修  
阻下有澄湖光明當洗甲兵從子卧石牀

七哀

殷武誦桀阻周魯歌東征聖哲則有然我何敢留



行斬牲祀怒時釁鼓起前旌野布魚麗陣山鳴鏡  
吹聲函關何用塞受降行已城路逢故鄉人取書  
寄東京寄言東京友勉樹千載名一身未足惜妻  
子非無情

凌孝女詩

王東廢蓼莪女亦有凌娥哭魚奉慈母淒涼蔭女  
蘿幽叢啼蕙露芳樹罷鸞歌迢遞城南路諸姑將  
謂何

夜坐和成太常一

片月生碣石微光挂玉弓秋河空窅窕遙映建章  
宮哀鴻知時節南飛正匆匆感君思親味惻惻此  
心中

和成太常二

牽牛表宮雉華星動綺錢沉沉鳩鵲觀悠悠清漏  
傳無才愧三益虛食念百廛綿思至中旦莫繼瑤  
華篇



送張有恒起安慶郡經歷

曉路通高嶂春城入大江草生垂釣浦人語讀書  
牕肅客移茶鼎行田載酒釭幕寮誰得似高步絕  
紛龐

美浦江鄭氏義門

復大篆浙東第一家五字以旌之

省風浦江濬憑軾歷高門借問居幾何九世今不  
分解驟青松林愛此季與昆檢身事先訓禮度尤  
恭溫生祥亦何用有後天所敦常棣閔叔咸厲階

悲婦言一朝或問念喪敗寧具論清源無濁流芳  
蘭有競芬搗毫誦勿替勉哉賢子孫

送王開赴泗州行捕提舉

蒼茫吳楚會縱橫淮坂流春冰未泮渚芳杜已生  
洲揚旌朱樓前張獵青山幽獻功效大兕亦致公  
子裘消搖足爲樂何嗟晚不侯

待制張廷美姑阿慶詩

酸菹啓望國灼灼詠桃夭操觚染房藻短髮未勝



翹始聆白雪句兼傳黃竹謠  
蘭萌初映砌春霜已  
降霄秋榛覆故隴驚蓬颯  
迴颺金尊與瑤席庶足  
奉仁嬌

雲松樓

初日高樓上卷幔對黃山  
黃山出霄漢爛熳發青  
蓮叅差非一狀朝夕看  
屢妍九華承雙舄敬亭附  
駢遙漫漫雲崑嶺沉沉  
松覆泉清颺坐中起如聞  
帝女絃靜有幽事樂動無  
塵慮牽消搖悅心目茲  
道何長年

楊平章崇德樓

重城控秋塞丹樓耀芳甸  
頽霞上氛氲蒼林下葱  
蒼長河城邊急積岨窓中  
見遠鴈滅居延行雲歸  
鄴善大賢謝卿相垂幃化  
鄉縣春虫觸寶瑟餘花  
飄玉研方從董園樂陋彼  
謔梁轉伊予去山澤寒  
齋秋草徧載覽登樓篇益  
重臨淵羨

八月十五日處州分司對月



余公文集 卷一  
玄武夕始正華月生秋旻金波何穆穆綠桂滿中  
輪徘徊出西陸照耀此甌閩光流河宿隱氣隨商  
律振餘輝動軒房紫蘭含微津皇天降嘉歲五政  
亦已陳樂哉一卮酒允矣同庶人

有所思

春風起寒色春衣方重重新裝捲羅幕清唱入行  
雲艷色若流月芳澤謝蘭芬嬋娟信無度我思何  
在君

長安陌

浩浩長安陌瑤樓夾廣廡鴛鴦御溝上芍藥吹樓  
前駿馬追韓嫣金尊約鄭虔功名有時有且得樂  
當年

五言排律

大別山栢樹

奇樹如蛟虯盤甃上虛空孤生雖異桂半死反如  
桐香帶金爐氣色映綺錢中靈從后皇服年隨天



地終常瞻北枝翠終古鬱葱葱

五言律詩

送李好古之南臺御史

都門相送處旭日動蘭暉綺樹鶯初下金溝絮漸  
飛分驂向遠道把袂戀音徽去去江南陌應看蒲  
路威

送普原理之南臺御史兼柬察士安

霜署起南天雲霄盡榜懸兩幃猶可對二妙古難

全夏木籠彫檻風華度繡筵時應聯騎出誰謂非  
神仙

送霍維肅令尹

握手蘭宮外朝光滿禁塗山寒知塞近死靜覺鶯  
踈草草離樽旣悠悠征輶驅還應軫時念不羨報  
金吾

呂公亭

鄂渚江漢會茲亭宅其幽我來窺石鏡兼得眺芳



洲遠岫雲中沒春江雨外流何如乘白鶴吹笛過  
南樓

宴晴江山拱北樓

漢坻開繡閣蕭然似渚宮晴江華楯外列岫綺錢  
中樹色青罇綠荷花女臉紅賢王敬愛客樂宴意  
何終

元興寺二首絕塵軒

網軒開翠岬山水下葱龍江中寶牀擁樹杪盡欄

紅心融二陣滅境靜六塵空應似青蓮葉齊開綠  
水中

厭雪軒二

軒轅鑄鼎處仙臺成畫圖寒雲生洞渚暝色入蒼  
梧如霧飄丹閣非烟起玉爐年年漫來此無處挽  
龍胡

竹嶼

秋水鏡臺隍孤州入淼茫地如方丈好山接會稽



長紫蔓林中合紅蓮葉底香何人酒船裏似是賀  
知章

送危應奉分院上京

峽路傳清警金輿夾綵旗還如何姑射詎比幸  
甘泉苑樹紛成幄關榆始委錢從臣偏寵近載筆  
幔城邊

禎祥菊

為沙伽班院使賦

舊花已萎絕新花迺再芳都綠稟金氣特鮮傲司

藏旂旒生殘馥歲蕤出故房應憐蕙草質戰穎委  
微霜

賦得九里松送吳元振之江浙左丞

結駟向青郊松陰九里遙言從天竺寺自度小春  
橋偃蹇成芝蓋蕭瑟蔭蘭橈相送將何贈期君保  
後凋

宋顯夫學士輓詩

紫陌暗蒼茫松門近太行悲笳羽翼唇軸素紋引魚



荒故筆誰採取袖書永共藏愁尋持橐地秋陰結  
女牀

祝蕃遠經歷輓詩

逸軌無還轍驚川有怨思蒼苔生舊館素簡委空  
帷龍勝誰相弔虞翻少見知惟應問道者廬墓薦  
江籬

題蛾眉亭

空亭瞰牛渚高高凌紫氛澄江萬里至華嶠兩眉  
分落日兼霞彩流光成綺紋憑軒引蘭酌休憶謝  
將軍

南山贈隱者

君家南山下南山果何如開如陣雲黑向背凌空  
虛木客採薜荔怨女詠薜蘿無何當牽白犬見君巖  
下書

賦得慈恩寺塔送李惟中赴西臺侍御

祇園開塔廟遐瞰盡王秦琚玉裁文陛金銅結綺



輪高標雙闕外流影灞陵津攬轡還登眺題名繼  
昔人

汪尚書夫人輓詩

喧喧引長綬簫鳴閭井間旌連綺霞閣路指敬亭  
山泉底鸞臺掩城中翟蓋還尚書老歸國誰與襲  
芳蘭

寄題環秀亭 五祖寺

宗老來相報黃梅盜已平傳聞一峯下還有九江

橫象構誰能壞香臺積可成憑詢幾小劫又復到  
昆明

葛編修輓歌 景光

昔別情何樂今還語向誰幽房通貝闕空館罨蕪  
絲未過徐公墓徒懷有道碑扁舟望湖曲清淚濕  
江離

賦得鉅野澤送宋顯大僉事之南山

堤上柳沉沉春蒲汎渚禽濟田東滙闊汶水北流



深落日依中  
吐浮雲積太陰  
微茫看不盡  
渾似醉時心

宋祭酒輓歌一

文章知有數  
耆舊忽先零  
東井開圖畫  
西山閱爽靈  
司徒徒虛饋  
太史早垂銘  
悵望平原繡  
時時問客心

宋祭酒輓歌二

東閣哀長別  
南宮闕嗣音  
相知誰復舊  
爲報果如

今江漢無時返  
奎文永夜深  
淒涼釣魚地  
落日下遙陰

謝堯章妻輓歌

草蒲章臺墓  
松欹石柱廬  
憶歸司隸里  
能誦伏生書  
晝夜哭聞茅  
店春祠禱  
筍蕈傷心夫  
與子塵簡若爲舒

送李伯寔下第還江西

之子不得意  
南行無怨辭  
官河人杳杳  
客路雨絲絲



絲古木淮陰市春城孺子祠悽然十里別爲賦小  
星詩

大口迎駕和觀應奉韻一

晨光開翠嶠廣路淨炎氛玉馱度流水華蓋爛垂  
雲旣御大宛馬還朝鯁海君都人望旌纛樂哉歌  
采芹

大口迎駕和觀應奉韻二

仗出彈箏峽川原毅騎分天行肅大化時邁耀前  
聞整蹕傳清道激吹八行雲日暮望雙闕草木亦  
欣欣

伯九德興學詩

上德撫玄運籲俊尹神京三雍承髦士五學訓齊  
氓登歌陳羽縣鸞刀奉麗牲優游樂清化大道嘉  
方行

送孫教授

皇情重聲教宵裝爾載馳邊城南徼外禮殿左江



陞揖讓陳柳噐弦歌蔭薜帷全勝宜春郭花落閉  
門時

賦得君子泉送彭公權爲黃州教

君子沒已久遺井郡齋中本寓思人意兼全澤物  
功銀牀駁故蘚玉甃薄寒桐幾日趨官舍橫經誦  
養蒙

賦得春鴈送司執中江西憲幙

春風起蘋末旅鴈尚回翔乳鴨嬌同唳新蒲短可

藏應懷洞庭水非避塞垣霜客路頻懷舊題書寄

帝鄉

題合魯易之四明山水圖

空巾切盡蒼翠春木起晨霏孤嶂纔盈尺長松未合  
圍蕭蕭此仙客日日候岩扉念爾空延佇王孫且  
未歸

賦得蛾眉亭送王德常御史赴南臺

江亭望華嶸望望似修眉掃黛偏能巧含顰知爲



誰娟娟微雨裏脉脉夕陽時千里乘驄去因之傷  
別離

題段吉甫助教別墅圖

玉署掛新圖如君舊隱居峰高乃霞上葉變是秋  
初游客看常在溪聲聽却無只此同登瑒豈必命  
柴車

七言律詩

送王其用道州省親

都門楊柳萬絲垂城下行人駟牡駢宮中近得三  
年謁篋裏新裁五色衣漢臯秋晚遊娼少夢渚波  
寒獵火微我有愁心似征鴈隨君日日向南飛

登太平寺次韻董憲副

蕭寺行春望下方城中雲物變淒涼野人籬落通  
瀟口賈客帆檣出漢陽多難漸平堪對酒一罇未  
盡更焚香憑將使者陽春曲消盡征人鬢上霜

五言絕句



詠井上桃花

本是仙源種移來禁中栽爲愛妖嬈色偏臨露井  
開

題段應奉山水圖

水如剡溪水山似剡溪山想見鱸魚美扁舟常不  
還

題段應奉山水圖

花隱玉堂署曲几對雲峯爲問江南客何如九里

松

題合魯易之鄞江送別圖

欲去更還顧依依戀所知今朝去京日似子渡江  
時

題紅葵蛺蝶圖

蛺蝶旣無數秋花赤蒲枝終焉不飛去似怨弄芳  
遲

題溪樓



溪水綠悠悠高樓在溪上日暮望江南舟中采菱  
唱

七言絕句

別樊時中

桃花灼灼柳絲柔立馬看君發鄂州懊惱人生是  
離別不如江漢共東流

題光祿主事席仲桓海棠圖

沉香羯鼓打春寒纔見開時又見闌爭似君家屏

嶂裏年年歲歲有花看

題紅梅翠竹圖

竹葉梅花一色春盈盈翠鈿掩丹唇休言畫史無  
情思却勝宮中剪綵人

贈澄上人

壞色衣裳護七條手持經卷意蕭蕭頭陀寺裏相  
逢後又向天台訪石橋

贈山中道士善琴



山中道士綠荷衣新抱瑤琴出翠微已與塵緣斷  
來遑逢人猶鼓雉朝飛

南歸偶書一

帝城南下望江城此去鄉關半月程同向春風折  
楊柳一般離別兩般情

南歸偶書二

二月不歸三月歸已將行篋換征衣殷勤未報家  
園樹緩緩開花緩緩飛

別樊時中廉使

光祿橋西惜解携春星欲傍露盤低自來宮柳多  
離思更着城烏在上啼

余忠宣公集一卷終



古今集  
卷一

五





程